

MORNING GOJRI NEWS BULLETIN 21MAY 2025 1015HRS

مارننگ گو جری نیوز بلیٹن مورخہ 21 مئی 2025

یوہ آکا شوانی جموں ہے محمد آسف تیں خبر سُنو۔

FIRST DELEGATION

بھارت غی تمام سیاسی جماعتوں ور مشتمل پہلو وفد اج تیں ۴ مُلکاں غا دورہ ور روانہ ہو رہیو
ہے واضع رہ جے یوہ وفد بھارت غی طرفوں پاکستان غے خلاف شروع کیا گیا اوپریشن
سندھور غے متعلق عالمی دنیا ناں آگاہ کرے غو اس تیں پہلا وفد غی صدارت شیو سینا غا
ممبر پارلیمنٹ شری کانٹ شندے کر رہیا ہیں تے یوہ وفد متہدہ عرب عمارات لائبریریا ڈیموکریٹک
ریپبلک آف کانگو تے سیریا غو دورو کرے غو۔ واضع رہ جے جنتا دل یوٹا ٹڈ غا ممبر پارلیمنٹ
سنجے جہا تے ڈی ایم کے غا کرونددی کاضیموزی غی سربراہی مانہہ دوجو وفد پلک روانہ
وے غو اس سلسلہ مانہہ خارجی معاملات غا سیکرٹری وکرم مسری نے گئی شام اخباری
نمائندان نال گل کرتا واں دسیو ہے جے یہ سفارتی ٹیم عالمی دنیا ناں بھارت غا ادبشت گردی
غے خلاف سفر برداشت غی پالیسی غے نال نال پاکستان غی طرفوں چلائی جارہی دہشت گردی
بارے دسیں پالیں گی۔

POONCH BRIGADE

فوج غی پونچھ برگيڈ غا کمانڈر برگيڈیر مدت مہاجن غو کہنو ہے جے اوپریشن سندور اجیں
ختم نہیں ہوو بلکہ چھڑو معطل کیو گیو ہے تے جے کدے گوانڈی ملک نے کلاے وی حرکت
کی تاں بھارتی فوج اس غو جواب دین واسطے پوری طرح تیار ہے۔ جاتے تہاڑے پونچھ برگيڈ
مانہہ اکن پریس کانفرنس نال خطاب کرتا واں فوجی برگيڈ نیکہوی ہے جے پونچھ برگيڈ نے
حالیہ تہاڑیں پاکستان غی طرفوں کی گئی حرکتوں غو دلیری نال مُنہ توڑ جواب دتو ہے اُن نے
کہیو جے پاکستانی فوج آپنی ساخت ختم کر چکی ہے فوجی برگيڈیر نے کہوی ہے جے بھارتی
فوج نے پاکستان مانہہ قِام دہشت گرداں غا ٹھکانہ ناں نشانو بنایو جد کہ پاکستانی فوج نے
سیول آبادی ناں نشانو بنایو ہے۔

TIRANGA YATRA RAMBAN

اوپریشن سندھور غی کامیابی بارے جشن منان غا سلسلہ مانہہ رام بن ضلع غی بنہال تحصیل
غاعام لوکاں تے نوجواناں نے جاتے تہاڑے اک ترنگا ریلی کڈی لوکاں نے حب الوطنی غو
جزبو پیش کرتا واں بھارتی فوج غی طرفوں چلایا گیا اوپریشن سندھور مانہہ کامیابی بارے
فوج غی حمایت کی ہے۔

CS KHEER BHAWANI

چیف سیکرٹری اٹل ڈلو نے جاتے تہاڑے متعلقہ عہدے داراں غی اک میٹنگ بلاغے یندہ ۳ جون ناں وادی کشمیر غ ا گاندربل ضلع مانہہ سالانہ کھیر بھوانی میلہ غی خاطر کی گئی تیاریاں غو جلا یزو لیو اُننے جموں تے کشمیر صوباں غی ڈویژنل انتظامیہ ناں ہدایت کیں این جے کھان پین پانی بجلی سمیت صفائی ستھرائی ناں یقینی بنایو جے میٹنگ غے دوران تمام متعلقین نے جناب ڈولو ناں تفصیلی جانکاری دیتا واں دسیو ہے جے میلہ مانہہ شرکت کرن آلا ظاہرین غی خاطر تمام بندوبست کرلیا گیا ہیں اواں جموں کشمیر پولیس غو کہنو ہے جے ظاہرین غی خاطر حفاظت غا تگڑا بندو بست کیا گیا ہیں۔

HAJJ FLIGHTS

جموں کشمیر حج کمیٹی نے حالیہ تہاڑیں جموں کشمیر مانہہ بنا پار تیں کی گئی گولہ باری غی وجہ تیں خراب حالات گا سلسلہ مانہہ ہُن نوی حج پروازاں بارے شیڈیول جاری کیو ہے۔ اس سلسلہ مانہہ جموں کشمیر غا وزیر اعلیٰ عمر عبداللہ نے اُنغی حکومت غی طرفوں اضافی حج پرواز مہیا کران غی مانگ بارے اقلیتی معاملوں تے سیول ہوابازی بارے وزیراں غو شکریو ادا کیو۔ اُن نے کہیو جے اضافی حج پروازاں غی مدد ناں 1 ہزار 8 سو 85 حجان اکرام سفر محمود ور جا سکیں گا واضع رہ جے نوا جاری کیا گیا شیڈیول غے مطابق یہ حج پرواز یندہ 25 ناں شروع ہو جیں گی۔

PROPERTY ATTACHED DRUG

نشیلی دویاں ور شکنجو کستان مانہہ ادھمپور پولیس نے نشہ غو کاروبار کرن آلا محمد آصف ناں گرفتار کرغے ۱ کروڑ 50 لکھ روپیاں غی جلا یداد ناں ضبط کرلیو گیو ہے واضع رہ جے نشہ غ وکاروبار کرن آلا یوہ شخص ادھمپور ضلع غا ہر ٹیاں گراں غو بسنیک دسیو گیو ہے اس سلسلہ مانہہ ادھمپور غ ایس ایس پی نے دسیو ہے جے نشہ ور قابو کلن غی خاطر جموں کشمیر پولیس غی طرفوں تگڑی سطح ور مہم چلائی جارہی ہے۔

PM MKB

وزیر اعظم نریندرمو دی مُلک تے بیرون مُلک رہ رہیا بھارتی شہریاں سنگ یندہ 25 مئی نانہہ آکاش وانی ور من کی بات پروگرام مانہہ اپنا خیالات سانجہ کریں گایاہ ماہوار ریڈیو پروگرام غی 122 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ٹال کر غے روانہ کر سکیں۔ اس توں علاوہ نریندرمو دی ایپ یاہ فرم ای گوو اوپن فورم ور وی اپنا خیالات تے تجویز روانہ کی جا سکیں یہ تجویز اس مہینہ غی 23 تاریخ توڑی ہی قابل قبول وین گی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن لائن موڈال ایپ ور نشر تے ٹیلی کاسٹ کیو جلاے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جلاے گو۔ آکاش

وانی اس پروگرام غی بندی نشریات غے فوراً بعد اس نانہ علاقائی زبانان مانہ وی نشر کرے گو۔

DC POONCH MEET

پونچھ غاضلع ترقیاتی کمشنر وکاس گنڈل نے جاتے روز عہدے داران غی اک میٹنگ پلاغے حالیہ تہاڑیں پاکستان غی طرفوں کی گئی گولی باری تیں متاثر ہوا گنباں غی مالی امداد کرن بارے تفصیلی جانکاری حاصلکی میٹنگ مانہ ایڈیشنل ڈپٹی کمشنر سب ڈویژنل مجسٹریٹ محکمہ بجلی تے پانی غا انجنیران نے وی شمولیت کی میٹنگ مانہ ایس آر ای غے تحت منظور کی اگیا 691معملاں ور وی گل بات کی گئی اس موقع ور ڈیسی موصوف نے متعلقین ور زور دتو جے ویلے سے متاثر ہوا لوکان ناں مالی مدد دتی جے۔

DC KISHTWAR

کشتواڑ غا ڈپٹی کمشنر رجیش کمار شون رٹل، ہکل ڈول، کیرو تے کوار بجلی پروجیکٹان تیں متاثر ہوا گنباں غی خاطر آئی ٹی کشتواڑ مانہ ہنر ترقیات تربیتی پروگرام غو افتتاح کیو واضع رہ جے اس تربیتی پروگرام غو مقصد ان بجلی پروجیکٹان تیں متاثر ہوا گنباں غا 20نوجوانان ناں مفت تربیت غے نال نال دہن سہن تے کھان پین غی سہولیات دینی ہیں۔
